

արուրա կամ լատին jugerum, որ իրօք հողա-
չափ է, մեծ բան չէ եւ անում է մօտ քառորդ
հեկտար, գրեթէ նոյնչափ դեսիատին:

Հերոդոտ յիշում է արուրա որպէս Եգիպ-
տոսում ընդունուած չափ, հաւասար հարիւր
անգամ հարիւր քառակուսի կանգուն տարա-
ծութեան: Իսկ jugerum ըստ Պլինի 240+120
ոտ տարածութիւն է:

Երկու չափն էլ հաւասարամեծ են եւ մօտ
քառորդ դեսիատին:

Այս հաշուով գիւղական երէցը Տրդատի
չնորհիւ պիտի ստանար ոչ աւելի քան մի դե-
սիատին հող, իսկ Պապը կը ճատումից յետոյ
մի քառորդ դեսիատին:

Դուրս է գալիս որ բարեպաշտ Տրդատ Թա-
գաւորը աւելի առատաձեռն չէր եկեղեցու
հանդէպ, քան այժմուան «Ժողովրդական գոր-
ծապար» Երզնկեանը, որ մեծ սէր չունի դէպի
եկեղեցին: Իսկ խեղճ Պապը մի՞թէ այնքան
ծանծաղամիտ էր երկրագործական խնդիրնե-
րում որ կարճէր թէ քառորդ դեսիատինով կա-
րելի է տուն պահել:

Հասանք անհեթեթութեան եւ պատճառ
յոյն թարգմանիչը չէ: Արուրա այստեղ գործ է
ածուած իր իսկական իմաստով, որ է հող՝
վարած թէ վարելի: Թարգմանութիւնը հաւա-
տարիմ է մնացել հայ բնագրին: Պ. Մանանդե-
կանի նորալուր մեկնութեան միակ հիմքը ընկ-
նում է:

Ագաթանգեղոսը, ինչպէս ասացինք, ներ-
կայ դէպքում կախուած է Փաւստոսից եւ ա-
ւելի բան չէ ասում քան իր աղբիւրը:

Փաւստոս ասում է որ Պապը եկեղեցու հո-
ղը կը ճատեց եւ թողեց ամէն մի գիւղում եր-
կուական հող — երկու հոգի՝ մի երէց եւ մի
սարկաւաղ պահելու համար, ուրիշ խօսքով աս-
մէն մէկին ընկնում է մի հող: Երէցը եւ սար-
կաւաղ՝ երկու հոգի չեն, երկու տուն են, եր-
կու երդ: Երկու երդը երկու հող է ստանում
Պապից, ստացած հողը, ուրեմն, կարելի է կո-
չել հող երդոյ: Տրդատը աւելի աստուածա-
պաշտ էր քան Պապը, ուստի նրան Ագաթանգե-
ղոս վերագրում է երկու անգամ աւելի հող քան
Փաւստոս Պապին որ է «չորս հողս երդոյ»: Իսկ
Փաւստոսի «եօթն հող» մեկնում է այն

մտքով որ այդ աւանների քահանայութեան բա-
ժինն էր:

Ագաթանգեղոս ոչնչով չի խանգարում
Փաւստոսի անորոշութիւնը: Պատասխանատուն
մնում է ինքը Փաւստոս: Ի՞նչ է նշանակում
այդ անորոշութիւնը:

Պապը ոչ միայն հողն է կարճում, այլ եւ
«դայն ի սպասու կացուցանէր յիւր ի ծառա-
յութեան ‘ունելով?’ զեղբարս եւ զորդիս երի-
ցանցն եւ սարկաւաղացն», այսինքն՝ եղած
հողն էր ծանրաբեռնում նրանով, որ երէցները
եւ սարկաւաղների որդիներին ‘ծառայութեան’
էր առնում: Ծառայութիւն այստեղ նշանակ է
հարկատուութեան:

Այս տողերը տանում են մեզ դէպի արտաքին
աղբիւր եւ կասկածելի են դարձնում Պապին
վերագրուած միջոցները եկեղեցական հողերի
դէմ:

Հարկաւոր բացատրութիւնը տալու էինք
Փաւստոս որպէս պատմագետ ուսումնասիրու-
թեան մէջ, որի մի մասը միայն լոյս տեսաւ
Պետերգրադի Christianski Vostok ուսս հան-
դէսում:

Թէեւ վէճը տեւմինի մասին է եւ պատմա-
կան հաւաստիութիւնը աննշանակ է այս դէպ-
քում, բայց հարկաւոր ենք համարում մի քանի
խօսք ասել:

Յայտնի է, որ Ներսէսի կեանքը այն ձե-
ւով որպէս մտած է Փաւստոսի պատմութեան
մէջ կրում է օտար աղղեցութեան հետքեր:
Կան դժեր, որ առնուած են Բարսեղ Կեսարա-
ցու կեանքից:

Կեսարիոյ եպիսկոպոսը ժամանակակից էր
Ներսէսին, տեսել էր նրա մահը եւ անծանօթ
չէր հայ իրադարձումներին: Նրա թղթերից
մէկը ուղղուած է ոմն Կոմս Տերենտի, որ հա-
ւանօրէն այն անձն է, որին յիշում է Փաւստոս
եւ որը կայսեր զօրքերով եկաւ Հայաստան,
նպատակելով Պապ թագաւորին գրաւելու հայ-
կական դահը: Կեսարացին պատկառելի դէմք
է եւ մեծ հեղինակութիւն մեր եկեղեցու հա-
մար:

Առանձին արժէք ունի մեզ այժմ դրադեցը-
նող հարցի տեսակէտից Բարսեղի մի նամակը,
գրուած ոմն Մոզեստի: Կեսարիոյ հայրապետն
գրում է, որ եկեղեցու պաշտօնեաները «երէց-